

**PROKLAMASIE NO. R. 8 VAN 2017****van die  
PRESIDENT van die REPUBLIEK van SUID-AFRIKA****WET OP SPESIALE ONDERSOEKEENHEDE EN SPESIALE TRIBUNALE, 1996  
(WET NO. 74 VAN 1996): VERWYSING VAN AANGELEENTHEDE NA  
BESTAANDE SPESIALE ONDERSOEKEENHEID**

AANGESIEN bewerings soos beoog in artikel 2(2) van die Wet op Spesiale Ondersoekeenheede en Spesiale Tribunale, 1996 (Wet No. 74 van 1996) (hierna na verwys as die "Wet"), gemaak is in verband met die aangeleenthede van die Mopani Distriksmunisipaliteit (hierna na verwys as "die Distriksmunisipaliteit");

EN AANGESIEN die Distriksmunisipaliteit, die relevante plaaslike munisipaliteite wat binne die area van die Distriksmunisipaliteit geleë is of die Staat verliese gely het wat verhaal kan word;

EN AANGESIEN ek dit nodig ag dat gemelde bewerings ondersoek en siviele geskille voortspruitend uit sodanige ondersoek bereg moet word;

DERHALWE verwys ek hierby, kragtens artikel 2(1) van die Wet, die aangeleenthede in die Bylae vermeld, ten opsigte van die Distriksmunisipaliteit, vir ondersoek na die Spesiale Ondersoekeenheid ingestel by Proklamasie No. R. 118 van 31 Julie 2001 en bepaal dat, vir die doeleindes van die ondersoek van die aangeleenthede, die opdrag van die Spesiale Ondersoekeenheid is om soos beoog in gemelde Wet, ondersoek te doen na enige beweerde—

- (a) ernstige wanadministrasie in verband met die aangeleenthede van die Distriksmunisipaliteit;
- (b) onbehoorlike of onregmatige optrede deur raadslede, beamptes of werknemers van die Distriksmunisipaliteit;
- (c) onregmatige bewilliging of besteding van publieke geld of eiendom;
- (d) onwettige, onreëlmatige of nie-goedgekeurde verkrygende handeling, transaksie, maatreël of praktyk wat op Staatseiendom betrekking het;
- (e) opsetlike of nalatige verlies van publieke geld of skade aan publieke eiendom;
- (f) misdryf bedoel in Dele 1 tot 4, of artikel 17, 20 of 21 (vir sover dit op voornoemde misdrywe betrekking het) van Hoofstuk 2 van die Wet op die Voorkoming en Bestryding van Korrupte Bedrywigheede, 2004 (Wet No. 12 van 2004), en welke misdrywe gepleeg is in verband met die sake van die Distriksmunisipaliteit; of
- (g) onwettige of onbehoorlike optrede deur enige persoon wat ernstige benadeling vir die belange van die publiek of enige kategorie daarvan veroorsaak het of kan veroorsaak,

wat plaasgevind het tussen 1 Januarie 2010 en die datum van publikasie van hierdie Proklamasie of wat plaasgevind het voor 1 Januarie 2010 of na die datum van publikasie van hierdie Proklamasie, wat relevant is tot, verband hou met, insidenteel of bykomstig is tot, die aangeleenthede vermeld in die Bylae of wat dieselfde persone, entiteite of kontrakte betrek wat ondersoek word kragtens die volmag verleen deur hierdie Proklamasie, en om al die werksaamhede en bevoegdhede wat deur die Wet aan die gemelde Spesiale Ondersoekenheid toegewys of opgedra is, uit te oefen of te verrig in verband met die genoemde aangeleenthede in die Bylae, insluitend die verhaal van enige verliese wat deur die Distriksmunisipaliteit of die Staat gely is.

Gegee onder my Hand en die Seël van die Republiek van Suid-Afrika te Pretoria op hede die Negende dag van Desember Twee duisend-en-sestien.

**J G Zuma**  
**President**

Op las van die President-in-Kabinet:

**T M Masutha**  
**Minister van die Kabinet**

#### BYLAE

1. Die aanskaffing van, of kontraktering vir goedere, werke of dienste deur of namens die Distriksmunisipaliteit en betalings wat in verband daarmee gemaak is op 'n wyse wat—

- (a) nie regverdig, mededingend, deursigtig, billik of koste-effektief was nie; of
- (b) strydig was met toepaslike —
  - (i) wetgewing;
  - (ii) handleidings, riglyne, praktyknotas, omsendskrywes of instruksies wat deur die Nasionale Tesourie of relevante Plaaslike Tesourie uitgevaardig is; of
  - (iii) handleidings, beleid, prosedures, voorskrifte, instruksies of praktyke van, of wat op die Distriksmunisipaliteit van toepassing is; of
- (c) gedoen of gefasiliteer was deur die onbehoorlike optrede van—
  - (i) raadslede, beamptes of werknemers van die Distriksmunisipaliteit (hierna na gesamentlik na verwys as “die personeel van die Distriksmunisipaliteit”); of
  - (ii) kontrakteurs, verskaffers of diensverskaffers van die Distriksmunisipaliteit of enige ander persoon of entiteit, om hulself of enige ander persoon of entiteit op 'n korrupte of onbehoorlike wyse te bevoordeel,

en enige verwante ongemagtigde, onreëlmatige of vrugtelose en verspilte uitgawes wat deur die Distriksmunisipaliteit, die plaaslike munisipaliteite wat binne die area van die Distriksmunisipaliteit geleë is of die Staat in verband met die verskaffing, oprigting of ingebruikneming van Ventilering Verbeterde Puttoilette (hierna na verwys as “VVP toilette”), aangegaan was, welke goedere, werke of dienste aangeskaf was ingevolge die “Greater Giyani Municipality - MDM 2014-004” Tender en die “Greater Tzaneen Municipality or the greater area of the Tzaneen Municipality - MDM 2014-005” Tender (hierna na verwys as “die Tenders”).

2. Wanadministrasie in die aangeleenthede van die Distriksmunisipaliteit en enige verliese of nadeel wat deur die Distriksmunisipaliteit, die plaaslike munisipaliteite wat binne die area van die Distriksmunisipaliteit geleë is of die Staat gely is as gevolg van sodanige wanadministrasie ten opsigte van—

- (a) die verskaffing, oprigting of ingebruikneming van die VVP toilette, welke goedere, werke of dienste aangeskaf ingevolge die Tenders;
- (b) die versuim of weiering deur die Distriksmunisipaliteit om foutiewe of voortydige betalings ten bedrae van R304 101 000, wat deur die Distriksmunisipaliteit vanaf die Nasionale Tesourie of die “national transferring officer” (Departement van Koöperatiewe Regering en Tradisionele Sake) ontvang is, terug te betaal;
- (c) die totstandbringings of gereelde hersiening van ’n verkopersdatabasis of meesterlêer;
- (d) ongeveer R210.4 miljoen wat die Distriksmunisipaliteit aan die Nasionale Tesourie moes terughandig, toe die Distriksmunisipaliteit nie die geld gedurende die 2012/2013 finansiële jaar ten opsigte van die “Municipal Infrastructure Grant and Water Services Operating Grant” bestee het nie; en
- (e) die versuim of weiering deur die Distriksmunisipaliteit om aangeleenthede wat geopper was, of om aanbevelings van die Ouditeur-Generaal van Suid-Afrika soos uiteengesit in die Jaarlikse Ouditeursverslag ten opsigte van die Distriksmunisipaliteit vir die 2013/2014 finansiële jaar, aan te spreek of te implementeer,

insluitende die oorsake van die wanadministrasie en verwante ongemagtigde, onreëlmatige of vrugtelose en verspilte uitgawes wat deur die Distriksmunisipaliteit, die plaaslike munisipaliteite wat binne die area van die Distriksmunisipaliteit geleë is of die Staat aangegaan is.

3. Enige ongeopenbaarde of ongemagtigde belange wat die personeel van die Distriksmunisipaliteit of hulle familieledede mag gehad het in kontrakteurs, verskaffers of diensverskaffers wat vir werk getender het of besigheid met die Distriksmunisipaliteit gedoen het of aan wie kontrakte toegeken is deur die Distriksmunisipaliteit, strydig met toepaslike —

- (a) wetgewing;
- (b) handleidings, riglyne, praktyknotas, omsend skrywes of instruksies wat deur die Nasionale Tesourie of relevante Plaaslike Tesourie uitgevaardig is; of
- (c) handleidings, kodes, riglyne, beleid, prosedures, voorskrifte, instruksies of dienskontrakte diensvoorwaardes of praktyke van of van toepassing op die Distriksmunisipaliteit of die personeel van die Distriksmunisipaliteit,

en die omvang van enige werklike of potensieële voordele wat direk of indirek verkry is deur die personeel van die Distriksmunisipaliteit of hulle familieledede van sodanige ongeopenbaarde of ongemagtigde belange.

4. Verliese of nadeel wat werklik of potensieel gely is deur die Distriksmunisipaliteit, die plaaslike munisipaliteite wat binne die area van die Distriksmunisipaliteit geleë is of die Staat as gevolg van betalings wat gemaak is aan die betrokke kontrakteurs, verskaffers of diensverskaffers—

- (a) ten spyte van nie-prestasie, ongesertifiseerde, onvolledige of swak gehalte prestasie of gebrekkige prestasie; of
  - (b) vir goedere nie gelewer of dienste wat nie verskaf was nie,
- ten opsigte van die bewerings uiteengesit in paragrawe 1 tot 3 van die Bylae.

5. Enige onbehoorlike of onregmatige optrede deur die personeel van die Distriksmunisipaliteit of die betrokke kontrakteurs, verskaffers of diensverskaffers of enige ander persoon of entiteit, ten opsigte van die bewerings uiteengesit in paragrawe 1 to 4 van hierdie Bylae.